

明  
談孺木著  
棗林雜俎

第二冊

進步書  
局校印

裴林雅徂仁集目錄

逸典

金陵對泣錄

定策本末

定策不預內臣

御容儀注

歷數

勸進

監國儀注

紀元

史相國督師

項煜

亂階

常應俊

鄭元勲

勲臣跋扈

阮大鍼

郭維經

馮可宗

王肇基

陳堯言

從龍內臣

黃澍

慈鑒

劉總憲宗周

北使事宜

朱統鑣

周鑣

周鍾

異議

谷國珍

王鐸

李沾

欺案

名叱冢宰

張捷

劉澤清娶同姓

趙體元

中書一品林超

劉孔和戲言取禍

武英殿

寓書史可法

女伎

避諱

缺

修史

御寶

選宮

大內石刻

徐洪基

王世忠

民謠

王氏奪封

東宮

童氏

邱報

高傑

皇陵鬼撲

袁定

戶園

朝班遺詩

蜚書

唐世濟

楊文驄

周延儒馬士英作聯

路振飛

屠象美

方國安

追薦疏

江寧誼

偽弘光帝

羣忠備遺

白門語錄

棗林雜俎仁集

明 鹽官談遷孺木著

逸典

金陵對泣錄

甲申長安陷。光祿寺署丞膠州高弘商困賊中。脫歸。秋。和。省。其。兄。相。國。備。述。前。所。故。錄。之。

三月己丑朔甲辰。上召考選中外官三十三人於中左門。諭曰。國家多事。南寇北胡。聞寇已薄固關。雖無確報。可謂迫於門庭。朕已修省待咎。此時何以撲勦。何以安人心。何以生財。何以足用。爾等其熟計之。滋陽知縣黃國琦首對曰。賊之驕。繇於招撫。從來招撫。無裨於事。因請收拾人心。及用人之要。上問安人心。曰。安人心不難。在於聖心。聖心安則人心自安云云。上首肯。筆記其名。又問生財。對曰。今生財云加派云捐助。俱非也。豈可一而再。再而三乎。皇上遠慮。宜搜內藏。盡所有。以為外用。上又首肯。因問用人。曰。天下未嘗無人。但人未必為用云云。上大是之。立除兵科給事中。餘以次對未畢。俄傳外札。上手拆閱訖。倉皇遽退。各官不敢散。已傳旨吏



部官翰林官何不與坐以楊學士觀光林中允增志侍班不坐也按侍班閣部等大僚例不坐而鴻臚所說本于黃國琦面述或艱難時特禮時閣臣皆坐云已設坐未得命耳駕回宮各官乃散後知傳祀以賊至昌平也各官環閣臣於御河橋楊觀光等責以城守事魏藻德曰大家做靠不得一人是日內閣課庶吉士東宮日講官劉理順何瑞徵講論語首章未竟東宮沉吟曰不亦樂乎不亦說乎二乎字可玩因視兩講官而笑講官亦笑賜茶退夜二十刻部推左懋泰戎政兵部右侍郎總督城守未報。

乙巳閉都門時傳吳三桂兵至不知即賊也夜攻阜成門平則并廣寧門彰茂西便門漏二十刻砲聲漸亟砲實內向人不知也丁夜後砲愈亟賊環攻有旨城堵尚虛一千八百有奇守卒俱稱無餉襄城伯李國楨不登陴丙午巳刻賊入阜成西便

二門人不知也

丁未昧爽市人云宮女出正華門或傳聖駕昨出城辰刻宣武門北順城門有內臣戎服可千騎云王太監救火呼開門答以鑰在中府曰亟碎其鎖擊之未碎或云前門正陽門開遂沿前門弘商親見至則被夫砲不可近自公生門入長安右門還宮巳刻

賊入宣武門肆殺掠。內臣被禍尤慘。李自成射承天門題榜。矢中天上。馳入宮。午刻偽示五城購車駕。

戊申午前。內傳先帝自盡於煤山。偽諭明朝文武大小官員俱限次日赴各將軍帳下具職名彙冊送覽。願復官者量才擢用。不願復官者革職為民。准給路引。即放回籍。敢有匿而不報。兩隣不舉。長班房主一併誅戮。特諭自是各官俱分投職名。權將軍李友家。自己至酉。共報七十三人。劉斯球等。其去者。以革職回籍也。主賊錄職名籍貫履歷寓舍僮婢長班錄訛皆驅對廳錮之。工部侍郎陳必謙不即入。擊以輿扛。己酉。先帝后移東華門席舍。兵部武選主事大足劉養貞出私錢八千得柳棺殯之。先帝不幸時。首露網。右足靴身布短後衣。胸題朕既喪國。無顏冠冕。見人是日同先后長椅昇出。先后衣笄甚肅。鼻微傷。其裳紉結。越三日。賊出梓宮。一丹漆一黝漆。改殯焉。先帝冲天冠龍袍玉帶漆金靴。先后袍帶亦如之。定王騎驢來臨。不敢哭而去。次東宮亦驢至。青衣裹帽。頭觸地良久。雖不哭。隱痛不能起。賊擁去。諸臣臨哭。可四十餘人。臨而不哭者三十餘人。養貞日侍側。哀毀被執至李友處。友據丘字衡衡。許錦衣宅。年五十餘。性兇悍。所錮各官。許家人傳餐。印其面。

而入出即去之。

癸丑薄暮李友傳各官。各據朝本朝見光祿寺監事林蘭友問朝本何若。有佐史吳某云。紅摺黃面。開見蘭友如其言。餘仿之。刑部尚書張忻言黃摺非所用。付紅單職名。人多從之。酉刻李友列騎七十三隊。隊騎各五。露刃。押出各臣赴高鋪。偽將劉宗敏拘各臣千六百餘人。獨免丁夜叱起俱蓮垢。予匹馬五騎。飛驅入西長安門。出東長安門。過御河橋。皇天夾道。進東華門。至此始知非朝也。至會極門。牛金星深衣盤坐棕毯上。面東向。右侍郎宋企郊亦盤坐金星側。北向。金星授緡紳錄一部。硃筆點唱。先令甲科打躬。餘誦鄉貫。諭高聲以應。或托疾令扶候。合選即圈於錄上。赴部聽銓注。否且回各營。奔仆數人。

乙卯又選各官昧爽騎由午門入會極門。牛金星杌坐。授注官面西向。宋企郊亦杌坐如前。唱選預名者。令候會極門。否則出東華門。或令出西華門。不解其故。蓋東皆回營。西皆斬於門外。凡七十六人多助威。

丙辰各營拷職官。追賊內臣加炮烙尤燬。劉宗敏家諭官大小勒限。賊完日釋之。李友張□葛□等。各混拷不勒限。李友家七十三員。選用二十九人。聽其自捐。夾傷十



之四。劉養貞再夾再呼。太祖高皇帝追四十三金。又銀杯二。又徵之不應。曰寧死我也。□□□王都等杖斃。黨崇雅除通州倉場侍郎。來謁李友角巾綠衣。諸人就問。竟感額不答。中書科舍人吳橋沈□□始被拘。佯風疾。時呼流賊來殺流賊。顛狂潦倒。屢受鞭不之撓。四月二十二日同釋。

四月戊午朔。乙丑黃紙傳二十七日。即位塘報吳三桂舉兵逼京師。戊辰李自成馳偽勅及吳襄手書招之。至天津。碎其勅。擲父書不啓。斬從使四人。釋回一人。偽勅自李友家發。李自成聞斬使大怒。召李友等點兵站隊。站隊即出師也。

庚午李自成脅東宮二王及吳襄東行。賊將祥符李肖宇大共名寵任在劉宗敏李

友等下。據吏部郎左懋泰宅。從自成敗歸。述其本末云。前哨至通州東。值吳氏兵失

三十騎。至天津西口。防禦使張若麒巡撫黎玉田。李希沆各迎自成喜甚。若麒疏薦

三桂自成所遇各官道迎自成亦跪。東宮乘驟值各官問其新舊。見舊官淚下。手

指其心曰。甚利害。須耐。見新官色喜曰。真爾主也。善事之。舊官或稱殿下。揮止之。

自成至天津。三桂結方營於東。勢孤。賊西聯七營甚盛。自成單騎呼吳將軍出語。三

桂出馬。自成曰。大勢已定。將軍何固執不下。我使可殺。勅可碎。老將軍手書獨不可。

拆半。三桂叱曰。爾養馬私廩。不得稱我將軍。且弑我君父。藉我家口。不共戴天。何言降也。我兵雖有限。亦不浪戰。生死由天。自成曰。將軍誤矣。此語何自得之。朕今日尚賴將軍。好人挑掣。幾長大事。先皇帝自盡。非我偏也。東宮及老將軍固在少頃。並跨驃出。吳襄曰。爾毋信浮言。聖上未入京。先皇帝即自經。見知之乎。及入京。召我大內同飯。祿我全家。日賜存問。恩甚渥。兒宜謝。三桂怒曰。非我父也。吳氏受國恩。三百年。不能死報。而甘受他人之食乎。料家書如此。故擲之。襄又勸謝。三桂哭曰。求見東宮。三桂叩首馬上。大慟。東宮默然良久。自成勸通語。東宮曰。將軍速謝。有明主可事矣。毋惑浮言。且父在三桂。哭曰。惟主命。馬上謝萬歲。又叩襄首。自成令東宮同襄回營。自成曰。將軍赤誠。能容朕單騎勞軍乎。三桂諾。自成東入吳營。下馬。三桂亦下馬。各拜云。我君臣幾誤於人言。此後藉重將軍。不淺。容朕再謝。三桂辭拜。竟如主臣禮。自成因問守榆關之策。答曰。往關外有八城可恃。今八城亡。關外失險。臣因其難守。奏請入關。先皇帝疑焉。以臣家口入京。俾臣守關。如戎馬至。關未易守也。必先收入關。為上策。自成曰。然。即藉將軍圖之。三桂謝不敏。且乏兵餉。自成曰。兵餉易易耳。我兵三十七萬。留騎十萬。金四十萬。資將軍。功成當厚爵相報。三桂

願以身任自成曰朕回營即發勅付將軍三桂又謝請往登關門指示形勢許之至關閱城又出至一片石

戊寅晡刻三桂宴自成上坐東宮左之三桂右以東宮在竟坐地西向吳襄送席不與馬酒數行忽笳吹大作白標彌望三桂即起抱東宮去還欲執自成已上馬無及矣天遽晦賊方解甲不備北兵突擊賊懼大潰追殺亡軍僅四萬騎回京步卒盡沒

上條李肖宇口述亦待宴其所部為三千人纔還時十七庵人一家丁二云經戰十三年未有如此之敗者人馬擁塞自相踏藉漏刀逃生言之猶

為碑

癸未午刻李自成回京入德勝門被蟒手白布拂面從馬約七千匹列東華門二十騎自御道入東華門前一賊抱嬰兒不知誰也初賊兵或先歸問以自成曰死矣都人幸甚從逆各官聞之大恐偽銜封署並滌去已偵自成將至仍題新銜吳襄支解於天津之西

是日故學士楊觀光何瑞徵光祿少卿李天經李廷鼎同鴻臚寺官八人勸進自成曰事且棘何登極之有劉宗敏厲聲曰已有旨明日登極各官可出料理各官退宗敏與自成爭語敏曰爾十幾年辛苦一旦敗壞若不登極何以回關中自成默然

李友

佐史吳  
某說

甲申果登極。殊草草。我太廟主早燬。從此壞民居。運入大內為焚。與

丁亥卯刻。賊出阜城門。留卒七百餘人。入大內及各巷縱火。李友家有口部主事

口口自經吳橋之

疑有脫誤

先是四月二十二日。西華門外粘示紫筆云。本鎮匡復等情。時吳三桂尚在天津。

高弘商拘李友家。被夾勒四百金。見李友曰。醉擁婦女。啼號不惜也。詹事張維機主事蕭鴻基。至夾其首。張高書鳳翔。前出獄被拘。勒四百金。不夾。

李肖宇。故祥符諸生。陷賊中久矣。據左懋泰宅。懋泰避宅從通款。招高弘商。屢候之。肖宇因言從賊久。猶在人下。欲乘其敗。圖自成。不果。弘商遁出京。亦肖宇資遣之。

### 定策本末

甲申四月。京報絕月餘。留都疑沮。十三日。有中人夜至內府云。京師三月十七日失守。餘不能詳。翌辰張總憲藐山。以御史周元泰。朱國昌。郭維經。米壽圖。至高司農。經齋所。值他出。候之。而經齋值徐魏公。弘基於皇城下。亦聞之矣。少頃。經齋及史尚書可法。侍郎呂大器。姜詹事。曰廣等。俱集議。監國首及福王。或云潞王。時並僞淮安。或

云惠王在漢中。或云桂王在廣西。然遠不即至也。高張之意屬於雒陽。史頗不然之。意在衛輝。恐北耗未確。逡巡未決。俄奏差回自都下。云三月十六日。弓朕手策篋出京。夕。砲聲連震。迨旦寂如。餘不知也。諸人唯唯。守制山東武德道兵備僉事。桐城雷演祚亦召至。各散。是夕。遷上硃齋書。乞遣部曹往淮揚攝漕舟。暫還留都。明日。筮京師。得泰之九三。无平不陂。無往不復。艱貞无咎。勿恤其孚。於食有福。筮留都。得蠱之上九。不事王侯。高尚其事。自是北耗仍杳。二十二日。史尚書以三千騎勤王渡江。攜印往。俾呂侍郎署部。掌禮部印。越三日。史尚書速諸臣往江浦議事。時漸知國變。不果往。呂侍郎得史手札。立傳示諸公。還寓總憲署中。獲目之。諸公曰。素服會清議堂。謀葺武英殿。二十七日。有中人奔南。備悉凶問。諸公皇皇。謂定策非本兵不能濟也。是日。告奉先殿。姜詹事撰文。高尚書舉筆。云神宗皇帝之第一子。第一藩云云。而史尚書之手札至。意專衛輝。尋又札云。雒陽衛輝並南下。當拈關。孝陵之前云云。亡何。總督鳳陽馬士英書來。奉福王發淮安。將及矣。即日守備南京太監韓贊周出迎。二十九日。王舟泊燕子磯。諸公馳候。明日抵龍江關。先召見列侯。尚書史可法。高弘圖程詒右都御史張慎言同謁舟中。王左手挈史。右手挈高。亦跪泣答。角



巾衣葛坐榻上枕衾俱缺蚊蟻不具五月朔登三山門環城而東謁孝陵自朝陽門入經東西華門宿外守備廳四日監國傳諭天下是役也南都始議未定而馬士英成之史尚書前督鳳陽稔知福世子湛於酒色礙於眾疑不敢堅執實為社稷深慮非私計也徐弘基值高司農皇城下曰事至矣惟賢是立何論序乎時潞王南下揚州鎮江假史尚書立迎則馬士英自沮何至其後以國予人哉史尚書在高郵聞福王舟近即列諸公名啟迎而士英初意亦不專維陽與史尚書同偶值福王舟擁而南背其始議後謂臣以兵十萬護蹕臨江欲駕南都諸公之罪給事中李沾謂告廟文神宗皇帝之第二子第一藩出臣筆俱非其實故備記之初遽聞王謁陵出朝陽門外萬眾伏候見王乘輦角巾半汙舊手搖白竹扇有隴畝風竊心幸之不謂淫佚敗度為懷慈之續也追思史氏之先見真純臣苦心矣後世誰諒之者王陵還宜南自洪武門入大明左門宿便殿竟穿朝宿外署非禮也前至于食有福隱寓福藩平陂往復於時驗矣所占留都高尚書拜相尋罷明年留都不守

定策不預內臣

守備太監韓贊周素有賢聲嘗任中都而史司馬撫淮故相善及移南京先帝嘗密勅此兩人相傳內府定策時或請共議高尚書曰如此大事而內臣預之何以光史乘乎又勲臣不預時共側目

### 御容儀注

五月庚寅以武英殿所奉二祖后御容遷奉先殿二祖御容五軸命文武大臣五人恭捧二后御容內守備及司禮監官恭捧各青繡服行禮殿外侍班候主祭官祭告畢更吉服進武英殿拜叩如前請御容至龍亭內移奉先殿叩首出隨更青繡服侍班候主祭官祭告而退

### 歷數

前聞記高皇帝嘗命劉伯溫卜歷數曰遇順則止高皇帝遂以手書空良久曰三百單八亦足矣今季賊偽大順而清曰順治不其應乎甲申五月先監國一日工部主事餘姚胡其枚整武英殿榜得一萬曆錢謂佳兆殊不然舊朝鐘微裂墮地起而懸之仍鐫銘有聲初欲移靈谷寺鐘不果

### 勸進

監國勸進表。呂侍郎委某作。迨期登幅。待於行宮。諸臣俱不及展視。

### 監國儀注

禮部儀制司案呈。本月初三日。行陞座禮。先期司禮監設座內殿。設寶座奉天殿。欽天監設定時鼓。錦衣衛設鹵簿儀仗。尚寶司設寶案於奉天殿。教坊司設中和韶樂。設而不作。是日早。鴻臚寺引導駕執事等官。進至內殿候。駕陞座。太常寺設酒果等物於奉天殿丹陛上。王具冕服。導駕官導。王行告天禮畢。入內殿。文武百官各具朝服。丹墀內序立。鴻臚寺引執事官。進至內殿。傳令百官免賀。免宣表。止行四拜。禮贊執事官行禮贊。各執事。鴻臚寺正官跪奏請陞殿。王繇中門出。陞寶座。錦衣衛鳴鞭。欽天監報時。鴻臚寺贊行四拜禮訖。通贊唱班首詣前。引禮官引班首官至王位前。通贊唱跪。搢笏。班首跪。搢笏。承傳唱眾官跪。百官皆跪。捧寶官開蓋取寶。跪授班首。班首官捧寶上言。殿下進升大位。臣等謹上御寶。尚寶卿受寶入蓋。通贊唱就位。拜興。平身。百官拜興如之。通贊唱復位。引禮官引班首官自西降復位。通贊唱俯伏。興。平身。鞠躬。拜興。拜興。拜興。平身。禮畢。駕興。百官以次而退。儀注出主事。吾寧吳本泰手。吳年老。拘會典不達時變。如奉天殿嘉靖壬戌。易稱皇極殿久矣。南京諸殿。

俱廢。僅武英殿存。當直稱武英殿。以紀其實。雖奉天殿在。宜暫避。正見監國與即真不同。況無而為有乎。仁宗昭皇帝。以東宮監國十六年。日御文華門。恭仁康定。景皇帝。以郅王監國。御奉天門左。天順初。英宗復辟。羣臣始推御座居中。前事歷歷如此。儀曹失次。冢宰張藐山先生曰。吾欲薦子為禮部司務。以襄一時之闕。子力辭謝。

### 紀元

閣擬定武洪光紀元。上拜天探籌。得洪光。張藐山先生曰。光字。上於文為火。清朝順治。曰清曰治。俱從水。水能克火。奈何。果如其言。

### 史相國督師

鳳督馬士英。挾迎鑾之功。自江北來朝。不欲出鎮。故事。輔臣必有入閣辦事之命。士英特繫銜大學士。非內任。竟據政府。史相國度不能外。自請出鎮。鑄督師輔臣之印。士英忌史聲著甚。而史先東士英。有福藩不忠不孝等語。士英意脅之。史求還故牘。終不相忘。掣肘陰螫。以勞動難。遂移構新建。姜相國謂觀望異議。冀併陷史氏也。姜詹事善酒。好卜夜。胸臆洞達。不少諱忌。告廟日。諸公集內府。詹事俄出。太監韓贊